



**Resumaziun dil protocol
dalla radunonza communal
dils 9 d'avrel 2024, 20.00, en casa da scola (halla)**

Tractandas

1. Beinvegni ed elecziun dumbravuschs
2. Gliesta da tractandas
3. Protocol radunonza communal dils 21-11-2023
4. Consorzi da scola LFSS, quen da scola 2022/23
5. Rapport e quen communal 2023
6. Fundaziun burgheisa Schluein, rapport e quen annual 2023
7. Elecziuns communalas
 - a) President communal
 - b) 1 commember da suprastonza
8. Reglament pertuccont las zonas da ruaus per la selvaschina
9. Reit da sanadad Surselva SA, negina participaziun
10. SanaSurselva, extrada ord la corporaziun da vischnaunas
11. Damonda Ovras electricas Zervreila SA, renovar concessiun
12. Orientaziuns
13. Varia

1. Beinvegni ed elecziun dils dumbravuschs

Il president communal Dr. Ralf C. Schlaepfer fa in cordial beinvegni a 44 votantas e votants. Sco dumbravuschs vegnan *Gabi ter Braak* e *Maria Kilchmann* proponi.

Decisiun: La radunonza communal elegia unanim las duas proponidas sco dumbravuschs.

2. Approbaziun dalla gliesta da tractandas

Decisiun: La radunonza communal approbescha unanim la gliesta da tractandas.

3. Approbaziun dil protocol dalla radunonza communal dils 21 da november 2023

Decisiun: La radunonza communal approbescha unanim il protocol dalla davosa radunonza communal.

4. Consorzi da scola LFSS

Quen da scola 2022/23

Il quen da scola 2022/23 siara cun entradas ed expensas da frs. 8'216'330.62.

Approbaziun

Decisiun: La radunonza communal approbescha unanim il quen da scola 2022/23 dil Consorzi da scola LFSS.

5. Rendaquen communal 2023

Rapport annual dil president

Il president communal pren il plaid e rapporta da quei ch'ei curriu e passau igl onn vargau sin palancau politic, economic, cultural e social e dat in sguard el futur.

Quen annual 2023

Il quen current 2023 siara cun in cash flow da frs. 609'386.16. Cun entradas totalas da frs. 3'542'834.29 ed expensas totalas da frs. 3'546'440.64 resta in surpli d'expensas da frs. 3'606.35. Amortisaziuns ein vegnidas fatgas ella summa da frs. 202'110.00. Igl agen capital da nosssa vischnaunca munta uss a frs. 20'214'906.61. Il quen d'investiziun siara cun entradas da frs. 619'190.85 ed expensas da frs. 883'899.08 cun in surpli d'expensas da frs. 264'708.23.

Rapport dils revisurs

Marzel Caviezel lauda igl engaschi dalla suprastonza e dall'administraziun. El declara che la cumissiun hagi controllau il quen e la bilanza culs mussaments e las cudischaziuns. La contabilitad seigi menada correct e corrispundi allas pretensiuns legalas. El engrazia allas autoritads ed all'administraziun proponend d'approbar quen 2023 cun descargar ils funcziunaris e l'administraziun.

Approbaziun e descharscha dils organs

Decisiun: La radunonza communal approbescha unanim il quen communal 2023 e descarga cun quei las autoritads e l'administraziun.

6. Fundaziun burgheisa Schluein

Rapport e quen annual 2023

Il quen annual siara per la fin dil 2023 cun ina sperdita da frs. 14'795.58. Pils 31 da december 2023 munta il capital da fundaziun a frs. 1'023'265.06.

Approbaziun

Decisiun: La radunonza communal approbescha unanim il quen annual 2023 dalla Fundaziun burgheisa Schluein.

7. Elecziuns communalas

La perioda d'uffeci dallas autoritads communalas cuoza dus onns. Tenor art. 11, alinea 3 dalla constituziun communal vegnan en in onn d'elecziun il president communal ed in commember da suprastonza ed en in auter onn treis commembers da suprastonza elegi. Entochen ils 31 da mars 2024 ein neginas demissiuns ord uffecis publics vegnidas inoltradas. Per ina reelecziun semettan las suandontas persunas a disposiziun:

- Dr. Ralf C. Schlaepfer (president communal)
- Corsin Bearth (suprastonza communal)

a) President communal (reelecziun)

Cedels entrai: 44

Cedels vits: 2

Cedels nunvaleivels: 2

Cedels valeivels: 40

Total vuschs valeivlas: 40

Pli absolut: diember da vuschs: 2 (cefra dubla dallas sedias, la proxima cefra entira ei igl absolut pli = 21)

Elegius ei: Dr. Ralf C. Schlaepfer (29 vuschs). Ei suonda in ferm applaus.

b) 1 commember da suprastonza (reelecziun)

Cedels entrai: 44

Cedels vits: 1

Cedels nunvaleivels: 2

Cedels valeivels: 41

Total vuschs valeivlas: 41

Pli absolut: diember da vuschs: 2 (cefra dubla dallas sedias, la proxima cefra entira ei igl absolut pli = 22)

Elegius ei: Corsin Bearth (35 vuschs). Ei suonda in ferm applaus.**8. Reglament pertuccont las zonas da ruaus per la selvaschina****Decisiun: La radunonza communal approbescha unanim il reglament pertuccont las zonas da ruaus per la selvaschina.****9. Reit da sanadad Surselva SA, negina participaziun****Decisiun: La radunonza communal decida cun 36 gie encunter 8 na da buca separticipar alla Reit da sanadad Surselva SA.****10. SanaSurselva, extrada ord la corporaziun da vischnauncas****Decisiun: La radunonza communal decida cun 30 gie encunter 13 na (1 abstenziun) d'extrar ord la corporaziun da vischnauncas SanaSurselva.****11. Damonda Ovras electricas Zervreila SA, renovar concessiun****Decisiun: La radunonza communal decida unanim****a) Da refusar la damonda dallas Ovras electricas Zervreila SA dils 8 d'avrel 2021 per ina renovaziun dallas concessiuns existentas.****Decisiun: La radunonza communal decida unanim****b) Da comunicar alla petenta che la vischnanca da Schluein ei buca prompta da renovar las concessiuns existentas.****12. Orientaziuns**

- Via Mulinas, sanaziun
- Reducziun abonnaments da sesiun (skis)
- Mountain Hubs
- Casa da dimora e tgira Plaids a Flem

13. Varia

1 convischin giavischa il plaid.

Finiziun dalla radunonza: allas 22.20.

Schluein, ils 9 d'avrel 2024

PER LA RADUNONZA COMUNALA SCHLUEIN

Il president:

Il scarvon:

Dr. Ralf C. Schlaepfer

Marco Tschuor